

SU VOLU DE UN ABILE

Supra su Gennargentu aperzo s'ala ,
 Da Sa Marmora, bolo a Bruncuspina
 Miro s'Ozashtra tottu estid'a gala
 Cun su sole naschinde in sa marina .
 Unu raru ispettaculu e belleza
 Chi sa natura cun s'arte divina
 Mostrat de s'orizzonte sa distesa .
 Est in custu incantadu territoriu
 Chi ammiro sa idda desulesa ,
 Post'a fiancu d'unu promontoriu ,
 In mes'e irde Artzo e Tonara ,
 Belvi in custu bolu provisoriu ,
 Gadoni , Meana Sarda, cun Atzara
 Sorgono , Ortueri , Austis , Tiana ,
 Teti e Ovodda la miro pru crara
 Ollolai e Gavoi pare riana ,
 Cun Lodine, Fonne da s'altura ,
 Unu saludu a sos sardos l'imbiana .
 Mamujada est posta in sa basura ,
 Sarule, cun Orani e Oniferi ,
 Poi Oroteddi in sa dirittura .
 Su fumu de Ottana s'oju feri ,
 Cun sas turre ch'isfidana su bentu ,
 Gai a Nugoro torrat su penseri
 De s'Ortobene a su monumentu ,
 Ue bat su Rè Celestiale
 Ch'isculta de Sardigna onzi lamentu .
 Ammiro Orune, Lula cun Durgale ,
 Bitti, Orgosolo, Oliena ;
 Sa Baronia est in sa visuale ,
 Ma prim'a coro non mi tochet pena
 Soddisfattu de tottu su c'hapo idu ,
 Pricco s'ala in s'aera serena
 E torro ue m'aspetta su nidu .

IRENE

IRENE NOLI

NUORO